



Pou Piblikasyon Imedya: 15/12/2022

GOUVÈNÈ KATHY HOCHUL

**GOUVÈNÈ HOCHUL DEPLWAYE RESOUS ETA YO POU REPONN AK TANPÈT
IVÈNAL YO PREVWA K AP AFEKTE PIFÒ ETA NEW YORK AK GWO CHIT NÈJ
JEDI JISKA SAMDI**

*Nèj pral kòmanse jedi apremidi ak plis pase yon pye yo prevwa nan North
Country, Mohawk Valley ak Rejyon Kapital yo, ak pi wo elevasyon nan rejyon sa
yo pral wè prèske de pye nèj jiska samdi*

*Kèk pati nan rejyon New York Santral ak rejyon Southern Tier yo pral resevwa 8.
jiska 12 pous nèj jiska samdi; Tanpèt yo prevwa gen to chit nèj ki pi wo soti 1 a 2
pous pa èdtan*

*Sant Operasyon Ijans Eta a ap aktive jedi pou kowòdone repons ajans Eta a ak
fasilite demann pou asistans nan men gouvènman lokal yo*

*Gouvènè Hochul mande pou pa vwayaje si sa pa nesesè jedi aswè ak vandredi
pou rejyon ki afekte yo paske yo prevwa gwo nèj imid k ap lakòz kondisyon
vwayaj danjere ak blakawout*

*Ajans Eta yo kontinye kontwole potansyèl chit nèj efè lak nan olaj Lak Erie ak
Ontario apati vandredi swa*

Gouvènè Kathy Hochul jodi a te deplwaye resous entèvansyon ijans eta a yo nan rejyon ki prevwa resevwa jiska yon pye nèj oswa plis ant jedi ak samdi. Yo prevwa tanpèt la pral pote jiska 12 a 18 pous chit nèj nan samdi nan kèk pati nan North Country, Mohawk Valley ak Rejyon Kapital la, ak to chit nèj ki pi wo soti nan youn a de pous pou chak èdtan jedi swa jiska vandredi. Pifò nan eta a pral wè omwen kèk pous nèj nan tanpèt sa a, ak jiska yon pye nèj yo prevwa nan New York Santral ak Southern Tier. Kèk pati nan rejyon Lwès New York ak Finger Lakes yo te kòmanse wè yon melanj nèj, lapli, ak glas ivènal nan jedi. Kondisyon vwayaj yo nan rejyon ki afekte yo pral danjere jedi apremidi lè pi gwo chit nèj la pral kòmanse. Blakawout yo nan rejyon ki gen pi gwo chit nèj yo posib pandan kèk jou k ap vini yo. Gouvènè Hochul te ankouraje Nouyòkè yo pou yo rete lakay yo jedi aswè ak vandredi pou evite nenpòt vwayaj ki pa nesesè pandan tout resous entèvansyon pou ijans yo ap travay pou retire nèj ak glas nan sistèm transpò a.

"Nou konnen ki jan li enpòtan pou nou pran devan tanpèt yo, epi ajans eta yo pare pou travay 24-24 wikenn sa a pou asire Nouyòkè yo an sekirite", **Gouvènè Hochul te deklare**. "Ekip mwen an pral kontinye kontwole kondisyon tanpèt yo atravè eta a pou asire ke nou itilize tout resous ki disponib, epi nou ankouraje tout moun nan rejyon ki afekte yo pou evite vwayaj inital aswè a ak demen. Travay lakay ou si sa posib, rete lwen wout yo, epi asire w ke ou menm ak moun ou renmen yo rete vijilan."

Resous sa yo pare pou reponn ak tanpèt la:

- Kamyon Chasnèj: 2,084
- Remòk Chasnèj: 61
- Chajè: 400
- Aparèy pou soufle nèj: 42
- Aparèy pou fè nivèlman: 19
- Sèl: Anga sèl DOT ak Thruway yo byen ranpli pou tanpèt la
- Pèsonèl ki deplwaye: 4,129
- Travayè Sèvis Piblik yo: Jiska 6,500 disponib pou reponn

Komisè Divizyon Sekirite Teritwa ak Sèvis pou Ijans Eta New York la (Division of Homeland Security and Emergency Services), Jackie Bray, te deklare, "Nou byen prepare pou jere nèj ki deja kòmanse tonbe nan kèk pati nan eta a. Prete anpil atansyon sou previzyon lokal ou yo pou kèk jou k ap vini yo si w ap konsidere vwayaje. Kondisyon sou wout yo pral danjere nan kèk rejyon. Si ou dwe vwayaje, planifye davans, pran tan ou, epi konnen ke vwayaj yo pral dezòdone jedi swa ak vandredi."

Gouvènè Hochul te ankouraje Nouyòkè yo tou pou prepare yo pou yon sistèm nèj efè lak ki separe ki prevwa kòmanse vandredi swa, sa ki kapab pote youn a de pye nèj nan zòn Lak Erie ak Lak Ontario pandan wikenn nan, ak to chit nèj ki nan de pous pa èdtan.

Gen plizyè avètisman, alèt ak metewolojik ki te pibliye pou pifò pati nan eta a jiska samdi. Pou ou kapab jwenn yon lis konplè sou alèt ak avètisman meteyowolojik yo nan zòn ou an, vizite [sitwèb Sèvis Meteyo Nasyonal](#) (National Weather Service) la epi chèche zòn ou an pa vil oswa kòd postal.

Preparasyon Ajans Leta yo

Divizyon Sekirite Teritwa ak Sèvis pou Ijans yo (Division of Homeland Security and Emergency Services)

Divizyon Sekirite Enteryè ak Sèvis Ijans (Division of Homeland Security and Emergency Services) Eta New York la ap kowòdone operasyon entèvansyon ajans Eta yo epi kominike ak gouvènman lokal yo pou asire yo prepare. Yo pral aktive Sant Operasyon Ijans Eta a jedi apremidi pou kontwole repons tanpèt la ak kondisyon vwayaj yo. Biwo Jesyon Ijans (Office of Emergency Management, OEM) Eta a prepare pou deplwaye resous ki soti nan rezèv Eta a pou sipòte gouvènman lokal yo ak bezwen ki gen rapò ak tanpèt la. Biwo Prevansyon ak Kontwòl Ensandi (Office of Fire Prevention and Control, OFPC) Eta a gen ekipman ak pèsonèl ki disponib pou ede ak demann èd mityèl yo.

Depatman Transpò (Department of Transportation)

Depatman Transpò Eta gen 3,450 sipèvizè ak operatè disponib nan tout eta a kounye a, ki prepare pou entèvn ak evènman move tan k ap vini an.

Pou soutni aktivite entèvansyon kont nèj ak glas nan zòn kritik yo, yo ap deplwaye 44 anplwaye ototal, ki gen ladan 33 operatè chasnèj, de sipèvizè, ak nèf enstriktè operatè ekipman yo. Yo te distribye yo konsa:

- **Rejyon Kapital:**
 - Ap resevwa de enstriktè operatè ekipman ki soti Finger Lakes
 - Ap resevwa yon enstriktè operatè ekipman ki soti Long Island
 - Ap resevwa yon enstriktè operatè ekipman ki soti nan biwo prensipal DOT la
- **Mohawk Valley:**
 - Ap resevwa uit operatè chasnèj ki soti nan Long Island
- **NY Santral:**
 - Ap resevwa 25 operatè chasnèj ak de sipèvizè ki soti nan Long Island
- **North Country:**
 - Ap resevwa de enstriktè operatè ekipman ki soti nan Western NY
 - Ap resevwa yon enstriktè operatè ekipman ki soti nan Rejyon Kapital la
- **Southern Tier**
 - Ap resevwa de enstriktè operatè ekipman ki soti nan Long Island

Yo pral re-evalye bezwen pou plis resous jan kondisyon yo mande pandan tout dire evènman an. Kantite ekipman ki genyen nan tout Eta a repati konsa:

- 1,732 kamyon chasnèj pwa lou ak pwa mwayen
- 339 gwo chajè
- 52 remòk chasnèj
- 39 aparèy pou soufle nèj

Anplis de sa, DOT pral prepare sèvis remokaj sou gwo koridò vwayaj yo ki pral afekte pa tanpèt la nan konte sa yo: I-84 (Orange), I-84 (Putnam), I-684 (Putnam), I-81 (Onondaga), I-81 (Broome), I-88 (Broome), I-86 (Broome), NY 17 (Broome), NY 206 (Delaware), NY 28 (Delaware), NY 17 (Sullivan, de lokal), I-390 (Steuben), ak I-86 (Chemung). Sèvis remokaj yo pral itilize tou nan Hutchinson River Parkway, Cross County Parkway, Saw Mill River Parkway, ak Sprain Brook State Parkway.

Pou jwenn dènye enfòmasyon sou vwayaj ki ajou, rele 511, vizite 511NY.org oswa telechaje aplikasyon mobil gratis 511NY la.

Otorite Thruway

Pèsonèl Otorite Thruway la ap siveye ak anpil atansyon previzyon pou tanpèt ivènal k ap vini an epi yo pare pou reponn ak 679 operatè ak sipèvizè ki disponib. Kantite ekipman ak resous ki genyen nan tout eta a:

- 352 kamyon chasnèj pwa lou ak pwa mwayen
- 9 remòk chasnèj
- 61 chajè

Yo itilize Pano pou Mesaj Varyab ak rezo sosyal yo pou avèti otomobilis yo sou kondisyon move tan ivè pandan yo sou Thruway la.

Otorite Thruway yo ankouraje otomobilis yo telechaje [aplikasyon mobil](#) li an, ki disponib gratis sou aparèy iPhone ak Android yo. Aplikasyon an bay otomobilis yo aksè dirèk ak enfòmasyon sou sikilasyon an nan tan reyèl, kamera sikilasyon yo nan tan reyèl, ansanm avèk asistans pou navigasyon pandan yo sou wout. Otomobilis yo ka enskri tou pou yo resevwa imèl [TRANSalert](#) yo k ap bay dènye enfòmasyon sou kondisyon sikilasyon sou Thruway la.

Lapolis Eta

Lapolis Eta a pral kontwole kondisyon yo epi li pral bay patwouy siplemantè nan zòn ki afekte anpil nan tanpèt la. Tout veyikil touteren yo ak veyikil espesyalize yo, ki gen ladan Veyikil Touteren Sèvis Piblik ak motonèj yo, ap an sèvis.

Depatman Sèvis Piblik

Sèvis piblik New York genyen apeprè 6,500 travayè disponib ki angaje nan evalyasyon domaj, pwoteksyon kab, efò entèvansyon, reparasyon ak restorasyon atravè Eta a. Sa gen ladann yon lòt 515 travayè ekstèn ki garanti pa Gad Nasyonal la, 400 travayè ekstèn ki garanti pa NYSEG ak RG&E, 50 travayè ekstèn ki soti nan Central Hudson, ak 50 travayè ekstèn ki garanti pa Orange & Rockland. Pèsonèl DPS la pral swiv travay sèvis piblik yo pandan tout evènman an epi sire sèvis piblik yo voye anplwaye apwopriye yo nan rejyon ki gen pi gwo enpak yo.

Depatman Konsèvasyon Anviwònmanal (Department of Environmental Conservation)

Ofisye lapolis Pwoteksyon Anviwònmanal Depatman Konsèvasyon Anviwònmanal (Department of Environmental Conservation, DEC) Eta New York yo, gad forè yo, anplwaye jesyon ijans yo, ak anplwaye rejyonal yo nan eta dalèt epi y ap siveye sityasyon k ap devlope a epi y ap fè patwouy aktivman nan zòn ak enfrastrikti ki afekte pa move tan an. DEC ap kowòdone deplwaman resous ak patnè ajans yo ak tout byen ki disponib yo pozisyon pou ede ak nenpòt repons ijans.

DEC ap konseye itilizatè nan rejyon andeyò yo pou yo konsyan ak prepare pou kondisyon ivè yo. Sekirite pou randone ak patine nan sezon fredi ak preparasyon yo trè enpòtan kèlkeswa kapasite fizik oswa destinasyon ou. Byen prepare pou kondisyon ivè yo esansyèl pou yon eksperyans ki pi agreyab ak pi an sekirite. Pandan e imedyatman apre peryòd gwo chit nèt yo, evite zòn ki ouvri, ki ekspoze tankou somè vid epi pran anpil prekosyon lè w ap vwayaje sou oswa toupre pant ki ouvri yo. Gen enfòmasyon anplis [sou sekirite alekteryè ki disponib sou sitwèb DEC la](#).

DEC raple sila yo ki responsab pou netwaye ak jete nèt a gwo echèl pou [swiv pi bon pratik jesyon yo](#) pou ede anpeche inondasyon ak redui posibilite pou gen polyan tankou sèl, sab, lwil, fatra oswa lòt debri nan nèt ki afekte kalite dlo a. Eliminasyon nèt nan rivyè ak kouran dlo lokal yo ka kreye baraj glas ki ka lakòz inondasyon nan zòn ki toupre yo.

Operatè pou retire nèj piblik ak prive yo ta dwe okouran de pwoblèm sekirite sa yo pandan ak apre tanpèt la.

Byen bonè jodi a, Gouvènè Hochul te bay [konsèy sou sekirite](#) pou ede Nouyòkè yo prepare yo pou tanpèt la.

[Plis konsèy sou sekirite](#) disponib sou [sit wèb Divizyon Sekirite Teritwa ak Sèvis pou Ijans la](#).

###

Lèt nou vèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418